



Broj: 06-09-1-3352-3/2023
Sarajevo, 02.11.2023. godine

SVIM TUŽILAŠTVIMA U BOSNI I HERCEGOVINI **N/r glavnih tužilaca**

PREDMET: Dostavljanje statističkih podataka o radu tužilaštva za 2023. godinu i ocjenjivanje rezultata rada nosilaca pravosudnih funkcija u tužilaštvima za 2023. godinu, *traži se*

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH) ovim poziva glavne tužioce da dostave podatke o radu tužilaštava za 2023. godinu i provedu postupak ocjenjivanja rezultata rada nosilaca pravosudnih funkcija u tužilaštvima za 2023. godinu.

Napominjemo, VSTV BiH će za potrebe izrade odgovarajućih dijelova Godišnjeg izvještaja VSTV BiH za 2023. godinu, iz Sistema za automatsko upravljanje predmetima u tužilaštvima (TCMS) preuzeti statističke podatke o radu tužilaštava za prethodnu godinu. Podaci će se preuzeti iz TCMS-a 17.01.2024. godine nakon završetka radnog dana.

I. Dostavljanje statističkih podataka i izvještaja o radu tužilaštava za 2023. godinu

Tabele za obračun pojedinačnih i kolektivnih radnih rezultata u tužilaštvu dostupne su na Internet adresi: <https://vstv.pravosudje.ba/vstvfo/B/141/article/123403>

Potrebno je da tužilaštva predmetne tabele preuzmu, popune i dostave VSTV-u BiH najkasnije do **01.02.2024. godine** isključivo elektronskim putem na e-mail adresu: vstvstatistika@pravosudje.ba. Sve tabele za izvještavanje su usklađene sa odredbama Pravilnika o orijentacionim mjerilima za rad tužilaca u tužilaštvima u Bosni i Hercegovini („Službeni glasnik Bosne i Hercegovine“, broj 6/22), koji se primjenjuje od 01.01.2022. godine.

Za tačnost i blagovremenost podataka u TCMS-u i dostavljenih podataka u tabelama za obračun radnih rezultata u tužilaštvima odgovorni su glavni tužioc.

Podsjećamo da su tužilaštva dužna pripremiti narativni izvještaj o radu tužilaštva za 2023. godinu u skladu sa **Smjernicama VSTV BiH** za izradu godišnjeg izvještaja o radu tužilaštava koje se mogu preuzeti na navedenoj Internet adresi. Tužilaštva su dužna dostaviti ovaj izvještaj VSTV-u BiH na slijedeće e-mail adrese: vstvstatistika@pravosudje.ba i vstvprojekatzatuzilastva@pravosudje.ba, u rokovima kako slijedi: Tužilaštvo BiH, Tužilaštvo Brčko Distrikta Bosne i Hercegovine i kantonalna i okružna tužilaštva dostavljaju izvještaj VSTV BiH najkasnije do 15.02.2024. godine, odnosno Federalno tužilaštvo Federacije Bosne i Hercegovine i Republičko javno tužilaštvo Republike Srpske najkasnije do 28.02.2024. godine.

Napominjemo, na navedenoj Internet adresi postavljene su i Smjernice za objavljivanje tužilačkih i sudskih odluka na službenim web stranicama i Tabela za objavljivanje tužilačkih odluka koja će tužilaštva koristiti prilikom izvještavanja VSTV BiH o načinu komuniciranja sa javnošću, uključujući i informisanje o objavi odluka u 2023. godini. Popunjenu Tabelu za objavljivanje tužilačkih odluka tužilaštva će dostaviti do 01.02.2024. godine na e-mail adresu

vstvstatistika@pravosudje.ba zajedno sa tabelama za obračun pojedinačnih i kolektivnih radnih rezultata u tužilaštvima.

Dodatno, podsjećamo da je VSTV BiH na sjednici održanoj 12. i 13.04.2023. godine usvojilo „**Obrazac nove evidencije za evidentiranje podataka o oduzimanju imovinske koristi**“, o čemu su informisana sva tužilaštva dopisom broj 06-09-5-1655-1/2023 od 26.04.2023. godine. Na sjednici VSTV BiH od 12. i 13.04.2023. godine, usvojen je zaključak kojim ostaje na snazi isti način prikupljanja podataka o predmetima u vezi sa oduzimanjem imovinske koristi i za 2023. godinu, kako bi se, radi vršenja kontrole kvaliteta podataka, moglo napraviti poređenje sa podacima evidentiranim u TCMS Modul za bilježenje podataka o oduzimanju protivpravno stečene imovinske koristi čija je primjena počela od 01.01.2020. godine.

S tim u vezi, potrebno je da tužilaštva unesu tražene podatke u Tabelu - Evidencija za sva krivična djela u kojima je oduzeta imovinska korist u skladu sa Uputstvom za period 01.01. - 31.12.2023. godine, a koji su postavljeni na gore navedenoj Internet adresi. U slučaju da u izvještajnom periodu nije bilo predmeta za koje se dostavljaju traženi podaci potrebno je da tužilaštva o tome dostave informaciju na navedenu adresu elektronske pošte u ostavljenom roku. Popunjenu Tabelu ili informaciju potrebno je dostaviti VSTV-u BiH najkasnije do 01.02.2023. godine.

Dodatno podsjećamo tužilaštva na obavezu da kontinuirano vode evidenciju o predmetima za krivična djela koja su počinjena iz mržnje na obrascu Uputnika OSCE-ODIHR na način kako je to navedeno u dopisu VSTV BiH, broj 06-43-1-1660-2/2023 od 03.05.2023. godine (dopis postavljen na gore navedenoj Internet adresi). VSTV BiH će tužilaštvima naknadno uputiti zahtjev da preuzmu, popune i VSTV BiH dostave popunjenu tabelu sa statističkim podacima o predmetima za krivična djela koja su počinjena iz mržnje.

II. Ocjenjivanje rezultata rada nosilaca pravosudnih funkcija u tužilaštvima za 2023. godinu

Novi Kriteriji za ocjenjivanje rada nosilaca pravosudnih funkcija u tužilaštvima u BiH su usvojeni na sjednici VSTV-a BiH održanoj 21.12.2022. godine i objavljeni u Službenom glasniku BiH broj 85/22, o čemu je VSTV BiH dostavio obavještenje putem elektronske pošte dana 28.12.2022. godine. Kriteriji za ocjenjivanje rada nosilaca pravosudnih funkcija u sudovima u BiH i obrasci za ocjenu rada nosilaca pravosudnih funkcija u tužilaštvima za 2023. godinu dostupni su na Internet adresi:

<https://vstv.pravosudje.ba/vstvfo/B/141/article/123403>

U novim Kriterijima za ocjenjivanje rada nosilaca pravosudnih funkcija u tužilaštvima u Bosni i Hercegovini:

- isključen je element ocjene rada „Posebni slučajevi ocjenjivanja“ ,
- predviđena je odredba kojom se ocjenjivač obavezuje da izradi mjere za unapređenje rada sudije koji je ocijenjen sa ocjenom rada „nezadovoljavajuće obavlja sudijsku funkciju“ ili „zadovoljavajuće obavlja sudijsku funkciju“,
- regulisan je način dodjele bodova tužiocima Općih odjela Republičkog javnog tužilaštva RS i Federalnog tužilaštva FBiH za ostvarenje ažurnosti i efikasnosti rada i
- odredbe koje regulišu ocjenu za blagovremenost u postupanju po pritužbama usklađene sa zakonskim i podzakonskim okvirima u pogledu računanja rokova za postupanje po pritužbama po tužilačkim odlukama.

VSTV BiH je na sjednici održanoj 17.i 18.01.2023. godine usvojilo **Uputstvo za primjenu novih Kriterija za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine, Kriterija za ocjenjivanje rada glavnih tužilaca, zamjenika glavnih tužilaca, šefova odjela/odsjeka u**

tužilaštvima u Bosni i Hercegovini i Kriterija za ocjenjivanje rada tužilaca u Bosni i Hercegovini (u daljem tekstu: Uputstvo) broj 06-09-1-264-3/2023, a koje je dostavljeno svim tužilaštvima putem elektronske pošte dana 20.01.2023. godine. VSTV BiH je tokom 2023. godine izvršio usklađivanje odredbe člana 7. stava (4) i (5) i člana 8. Uputstva sa relevantnim odredbama Kriterija, te na sjednici održanoj 27. i 28. 09.2023. godine usvojio prečišćeni tekst Uputstva broj 06-08-1-263/2023 koje je dostupno na gore navedenoj Internet adresi. Uputstvo je usvojeno kako bi se osiguralo da ocjenjivači na jedinstven način i pravilno primjene Kriterije za ocjenjivanje rada u svim tužilaštvima u Bosni i Hercegovini.

Napominjemo, potrebno je da ocjenjivač osigura da mu ocjenjivani nosilac pravosudne funkcije blagovremeno dostavi statističke podatke i analitičke informacije potrebne za provođenje ocjenjivanja rada glavnog tužioca, zamjenika glavnog tužioca i šefa odjela po elementu ocjene Organizacija i rukovođenje radom tužilaštva i odjela iz člana 30. stav (1) i člana 31. stav (1) Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH. Ocjenjivač će u Obrascu 1.3. i 1.4. (Obrazac za ocjenjivanje rada glavnog tužioca, zamjenika glavnog tužioca, šefa odjela) navesti koji izvori informacija su korišteni prilikom ocjenjivanja rada glavnog tužioca, zamjenika glavnog tužioca, šefa odjela po navedenom elementu ocjenjivanja rada.

U vezi sa primjenom Uputstva posebno skrećemo pažnju na slijedeće:

1. Odnos prema radu – realizacija plana rješavanja predmeta (član 6. Uputstva)

Procenat realizacije Akcionog plana za rad na predmetima ratnih zločina obračunava se u skladu sa članom 6. stavom (2), (3) i (6) Uputstva.

Ukoliko je nosilac pravosudne funkcije istovremeno zadužen Planom rješavanja starih predmeta i Akcionim planom za rad na predmetima ratnih zločina, procent realizacije se obračunava u skladu sa članom 6. stav (4) Uputstva.

2. Odnos prema radu – parametar b) člana 22. Kriterija (član 7. Uputstva)

Ukazujemo da je članom 7. Uputstva propisana obaveza ocjenjivača da u Obrascu broj 5. (Ažurnost i efikasnost rada tužilaca iz člana 22. stav (1) tačka b) Kriterija za ocjenjivanje rada tužilaca u BiH) i Obrascu broj 6. (Ažurnost i efikasnost rada glavnih tužilaca zamjenika glavnih tužitelja i šefova odjela u tužilaštvima u BiH) navede izvore informacija korištene pri analizi rada ocjenjivanog nosioca pravosudne funkcije, odnosno donošenja odluke o dodjeli bodova kao i detaljno obrazloži razloge dodjele određenog broja bodova po ovom elementu ocjene rada.

3. Organizacija i rukovođenje radom tužilaštva/odjela (član 8. Uputstva)

Članom 8. Uputstva propisana je obaveza ocjenjivača da u Obrascu broj 7. (Organizacija i rukovođenje radom tužilaštva iz člana 30. stav (1) parametar Kriterija za ocjenjivanje glavnih tužilaca, zamjenika glavnih tužilaca i šefova odjela/odsjeka u tužilaštvima u BiH) i Obrascu broj 8. (Organizacija i rukovođenje radom odjela u tužilaštvu iz člana 31. stav (1) Kriterija za ocjenjivanje glavnih tužilaca, zamjenika glavnih tužilaca i šefova odjela u tužilaštvima u BiH) navede izvore informacija korištene pri analizi rada ocjenjivanog nosioca pravosudne funkcije, odnosno donošenja odluke o dodjeli bodova kao i detaljno obrazloži razloge dodjele određenog broja bodova po ovom elementu ocjene rada.

Procent realizacije Plana rješavanja starih predmeta i Akcionog plana za rad na predmetima ratnih zločina na noviou tužialštva i odjela obračunava se u skladu sa stavom (4), (5) i (6) člana 8. Uputstva.

4. Unos dodatnih obrazaca u bazu podataka VSTV-a BiH

Skrećemo pažnju na odredbu člana 10. Uputstva kojom je predviđeno da se obrasci iz člana 5. stav (2), člana 7. stav (2), člana 8. stav (2) i člana 9. ovog Uputstva unose se u bazu podataka VSTV-a BiH uz obrazac za ocjenjivanje rada nosilaca pravosudnih funkcija, shodno Uputstvu za popunjavanje elektronskog obrasca u bazi podataka VSTV-a BiH i unos skeniranih obrazaca za ocjenjivanje rada nosilaca pravosudnih funkcija u tužilaštvima u bazu podataka VSTV-a BiH.

5. Rok za provođenje postupka ocjenjivanja i postupanje tužilaštava u bazi VSTV-a BiH

U skladu sa članom 4. stav (1) Pravilnika o postupku ocjenjivanja rada glavnih tužilaca, zamjenika glavnih tužilaca, šefova odjela/odsjeka i tužilaca (broj 06-02-3-3489/2016 od 14.12.2016. godine i broj 06-09-1-3283/2018 od 23.10.2018. godine), postupak ocjenjivanja rada potrebno je završiti i ocjene i unijeti obrasce za ocjenjivanje rada u bazu podataka VSTV-a BiH najkasnije **do 01.03.2024. godine**. Stalna komisija nadležna za nadzor nad ocjenjivanjem rada nosilaca pravosudnih funkcija u tužilaštvima (Stalna komisija za efikasnost i kvalitet tužilaštava), shodno članu 4. stav (5) Pravilnika je dužna izvijestiti VSTV BiH o ocjenjivačima koji propuste da blagovremeno provedu postupak ocjenjivanja.


Smatraće se da je ocjenjivanje rada okončano nakon što glavni tužilac o tome dostavi obavještenje na e-mail adresu vstvpravosudnauprava@pravosudje.ba. Ovo obavještenje će se bez odlaganja dostaviti VSTV-u BiH na Obrascu broj 3. koji je uvršten u materijale za ocjenjivanje rada na gore navedenoj Internet adresi.

U cilju efikasnog provođenja postupka izvještavanja o radu tužilaštva i ocjenjivanja rezultata rada nosilaca pravosudnih funkcija u tužilaštvu, **neophodno je da se blagovremeno upoznaju sa svim materijalima koji će se koristiti u ovom postupku:** glavni tužilac, nosioci pravosudne funkcije u tužilaštvu, sekretar tužilaštva i drugi zaposlenici u odjeljenju tužilačke uprave, šef pisarnice i odgovorni zaposlenici u pisarnici tužilaštva i IKT službenici tužilaštva. Od izuzetne je važnosti da se osigura da IKT službenici u tužilaštvima postupaju u skladu sa Uputstvom za popunjavanje elektronskog obrasca u bazi podataka VSTV-a BiH i unos skeniranih obrazaca za ocjenjivanje rada tužilaca u bazu podataka VSTV-a BiH.

Eventualna pitanja u vezi materijala za postupak izvještavanja o radu tužilaštva i ocjenjivanja rezultata rada nosilaca pravosudnih funkcija u tužilaštvu možete dostaviti putem e-mail adrese vstvpravosudnauprava@pravosudje.ba najkasnije do 15.12.2023. godine.

Za sve dodatne informacije u vezi sa pripremanjem traženih statističkih podataka za 2023. godinu i provođenjem postupka ocjenjivanja rezultata rada nosilaca pravosudnih funkcija molimo Vas da kontaktirate Odjel za pravosudnu analitiku i izvještavanje putem naprijed navedene e-mail adrese.

S poštovanjem,


Predsjednik VSTV BiH
Halil Lagumdžija

Dostaviti:

- Naslovu;
- Svim tužiocima,
- Sekretarima tužilaštava,
- Šefovima pisarnica,

- IKT službenicima u tužilaštvima,
- Odjelu za unapređenje efikasnosti i kvalitete rada u tužilaštvima Sekretarijata VSTV-a BiH,
- Odjelu za IKT Sekretarijata VSTV-a BiH,
- Odjelu za imenovanje i napredovanje Sekretarijata VSTV-a BiH.